



Ngoenz riengz ngoenz bae, seiqgeiq doxlwnz, fanh faed
ndiusingj, bibi baenzneix.
Bi doek bi, cin bae cin youh dauq.
Bauqreng h soengq bi gaeuq okbae, fanh hoh vadauz vuenh
yienghmoq.
Daiz haeux noh rimrwd, lwedhanh bohme h yo ndaw banz,
maqmueng h saumbauq dauqranz caez.
Mboujlwnh hojndoc naeuz baenzmiz, cungj mueng h dauqranz
dauj gvaq cieng.
Lajbiengz doengz hoh, lwggyax mehmai q, ngeixnaemj
doenghbaez.
Dauqngeix vunzcaen gaenq biek bae,
Engq rox insik gwndaen j caeuq vuenyungz.
Lij iq mbouj rox youcaeuz dwg gaiqmaz,
Saunomj guh ’unj aeu buhmoq, mbauqnomj daejnauh aeu
bauqva.
Cienznyok caencingz laegmbub,
Ciuhvunz baenzlawz gingq laux gyaez nomj?
Mbwn dem ndwenngoenz vunz souhyienz,
Gwndaen j vuenyungz dangq dangzrwi!

Guengjsae cawz ndaej demgya song fanh bingzfueng goengleix dieg-hawq le, lij lai ndaej benq haij he, sienqhamqhaj raez miz 1595 goeng-leix. Gizneix daejhaj bingzrwd, dohraeuj caeuq gyu bienqvaq mbouj hung, gij doxgaiq haij ok lai cungj lai yiengh, giz ndaej dwklauz gij doxgaiq haij ok gvangqlangh, giz haifat baenz aensok mbouj noix, guh gij hong gyu, ciengx bya, dwklauz gij doxgaiq haij ok caeuq dajyinh, roennaj gig ronghsag.

Boux cungjdungj daihleix gonq gozminzdangj Lij Cunghyinz bi 1966 nienzco dauqma Guengjsae ngonzyawj ranzmbanj de, Veiz Gozcingh daengj goengdaeuz swcigih gaisau gij cingz-gvang Guengjsae hawj de seiz, Lij Cunghyinz dingqny i gij dieg Lenzginh gaxgonq gaenq youz Guengjsae guenj le, vuenheij raixcaix dwk naeuz: “Gienh saeh neix liux mboujhnw j a, gou guenj Guengjsae seiz, danghnaeuz aeu Ginhcouh gvaqdaeuj, mbouj rox yaek ok saeh maz hung okdaeuj, sou mbouj miz saek di saeh couh guh baenz lo, gou caen boiqfug gung-canjdangj sou hungmbwk!” Veiz Gozcingh gej naeuz: “Gungcanjdangj dou gangj daengx guek dwg buenz geiz ndeu, cijaeu gangj cingcu j dauhleix, lwgminz couh rox lijgaij caeuq yungjhu.”

Guengjsae miz benq haij ndeu le, Veiz Gozcingh naemj gij vwndiz engq

Ok Saeh Ienq Mbouj Gib

出事悔莫及

□ Yiz Ciz / 余执

Gwn laeuj bae hai ci,
Famh fazliz cei q naek,
Lumj faex dwk cagmaeg,
Caek he hix mbouj vej.

Gwn laeuj cij hai ci,
Miz ngoenz cungj ok saeh,
Baujmaj bienq diet myaex,
Aeu mingh bae guhcaemz.

Mizmbangj boux swghih,
Hai ci doxbeij vaiq,
Swhgeij dai couh dai,
Haih daengz mingh bouxwnq.

Hai ci vaiq mbouj ndei,
Souj gyauhgveih cij baenz,
Loek ci gwnz roen baenq,
Da gaen mbouj ndaej yaep.

Ndang nyieg mwngz gaej hai,
Daraiz gyaeuj youh nyunz,
Hingsi yawj mbouj cunj,
Bungq daengz vunz cij daengx.

Raninz ci lij hai,
Hai daengz gwnz bo bae,
Ra vunz bang mbouj ndaej,
Daej hix mbouj miz yungh.

Ci gaej cang daiq rim,
Naeuz mwngz sim aeu geiq,
Beij gijmaz cungj ndei,
Beij mbouj hwnj souhgyaeu.

Gyauhgveih geiq ndawsim,
Lumj ndaej gim coq daeh,
Ciuhvunz mbouj suenq raez,
Ok saeh ienq mbouj gib.



Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

lai couhdwg baenzlawz baghai diuz-roen okhaij Guengjsae. Bi 1966 nienzco, de ngamq daj diegrog liuzyangj dauqma mbouj miz geij nanz, Cinz Yinggih bae ra de doxyaeng gij hong, de vix mbaw deihdow gwnz ciengz he doiq Cinz Yinggih naeuz: “Yinggih, mwngz yawj, gij guekgya caeuq aensingz gwnzbiengz fanzdwg youq henzhaij, ceng mbouj geijlai cungj fatdad, youq guek raeuz gij swngj henzhaij ginghci itbuen hwngfat hix ndaej vaiq gvaq gij swngj dieghawq, vihmaz ne?” Cinz Yinggih caengz caj de gangj roengzbae, couh gangj yawjgap swghgeij okdaeuj: “Cujyau dwg aenvih baengh hong hangzhaij, gyaudoeng bienhleih, ngaenzgoek dajyinh noix.”

Veiz Gozcingh naeuz: “Dang-yienz, hix dwg aenvih baengh hong haijok ndaej fazcanj, hoeng cujyau vanzlij dwg baengh hong hangzhaij.” De youh vix mbaw deihdow wnq naeuz: “Mwngz yawj, aen diegyouq

Guengjsae raeuz seizneix gig ndei ha! Naj coh daihhaij, depgyawj Doengnamzya, baihlaeng baengh Daihsaenamz. Yinz、Gvei、Conh sam aen swngj dieghawq Daihsaenamz neix swhyenz fungfouq, vunz hix lai, gyoengqde yinh huq haeujok, aen bak okhaij cei q yawj youq yawz ne? Couh youq Guengjsae. Seizneix gyoengqde doenggya Can’ gyangh、Gvangjcouh bae yinh, roen gya e lai. Doeklaeng raeuz guh baenz gij sok yienhdaihvaq caeuq gij sienqgyau-doeng doeng coh aensok le, couh ndaej baenz aen bak okhaij cei q ndei Daihsaenamz lo. Lohdiet Namz-Gunh caeux couh naeuz yaek hwnjmax lo, cijdwg aenvih guekgya ginghci haemzhoj deng ngaiznyed, gou yawj vaiqmenh yaek ndaej hwnjmax, diuz lohdiet neix baez doeng, youh miz aensok caeuq gij sezbei boiqdauq bietaeu, gij huq Daihsaenamz couh rox daj giz raeuz haeujok lo.”

Cinz Yinggih naeuz: “Guh aensok

aeu daez hwnj yizcwngz daeuj ngeixyaeng.”

Veiz Gozcingh naeuz: “Raeuz seizneix couh wnggai siengj daengz bouh geiz neix.”

Gij siengjgap Veiz Gozcingh, hix lwnh hawj Gyauz Yaujgvangh daengj geij boux suhgi nyi gvaq, caezgya cungj doengzeiq gij yigen de. Gyauz Yaujgvangh lij nyinhnaeuz, couhcinj guh Lohdiet Namz-Gunh deng ngaiznyed, raeuz bonjfaenh hix aeu gag siengj banhfap, caenhvaiq dwk hai diuz roen neix, leihyungh aen diegyouq ndeiraeuh raeuz, gyava iq bae hwngfat ginghci Guengjsae.

Mboujgvaq, aenvih ngaenzcaiz deihfue ng mizhanh, youh bungz daengz “vwnzgwz” hainduj, gienh saeh guh aensok couh deng daengx 2 bi.

Bi 1968 nienzco, aen diuzgen baihrog he hai le diuzroen hawj Guengjsae guh aensok.

(caengz sat)